

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 112. stav 2. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13), Vlada Zeničko-dobojskog kantona, na 131. sjednici, održanoj dana 01.02.2017. godine, d o n o s i

## ZAKLJUČAK

### I.

Prihvataju se Mišljenja Kantonalne uprave civilne zaštite, Ministarstva unutrašnjih poslova i Ministarstva za prostorno uređenje, promet i komunikacije i zaštitu okoline u vezi sa Nacrtom federalnog Zakona o izmjenama i dopunama Zakona o zaštiti od požara i vatrogastvu.

### II.

Zaključak sa Mišljenjima iz tačke I. ovog zaključka dostavlja se Stručnoj službi Skupštine Zeničko-dobojskog kantona u daljnju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_/18.  
Datum, 01.02.2018. godine  
Zenica

**PREMIJER**

*Miralem Galijašević*

DOSTAVLJENO:

1x Stručna služba Skupštine Kantona,  
1x Kantonalna uprava civilne zaštite,  
1x Ministarstvo unutrašnjih poslova,  
1x Ministarstvo za prostorno uređenje,  
    promet i komunikacije i zaštitu okoline,  
1x a/a.



Broj: 16-02-5398-7/17  
Zenica, 08.01.2018.godine

**STRUČNA SLUŽBA VLADE**  
n/r Sekretara

**PREDMET: Mišljenje o Nacrtu (federalnog) Zakona o izmjenama i dopunama Zakona o zaštiti od požara i vatrogastvu, dostavlja.-**

**Poštovani,**

Obratili ste nam se sa Vašim aktom broj: 01/02-02-15557-2/17 od 05.12.2017.godine, za mišljenje o Nacrtu (federalnog) Zakona o izmjenama i dopunama Zakona o zaštiti od požara i vatrogastvu, što i činimo ovim putem.

Naime, sa Nacrtom (federalnog) Zakona o izmjenama i dopunama Zakona o zaštiti od požara i vatrogastvu se djelomično slažemo, s tim što sugerišemo i predlažemo slijedeće da se:

- član 10. – **Komentar člana 10:** Izmijeniti. **Obrazloženje:** Dimnjačarska djelatnost definisana je kao komunalna djelatnost kroz Zakon o komunalnim djelatnostima ZDK, a slično je i u drugim kantonima. **Prijedlog izmjene teksta spomenutog člana:** Član 26. Zakona se briše.

- član 11. stav 1. – **Komentar člana 11.stav 1.:** Izmjena teksta. **Obrazloženje:** nije adekvatno definisan naziv „pasivni aparat“. **Prijedlog izmjene teksta spomenutog člana:** „postavljanje aparata za početno gašenje požara“.

- član 24.stav 1.–**Komentar člana 11. stav 1.:** Izmjena teksta člana. **Obrazloženje:** U navedenom članu umjesto navedenih zanimanja za starješinu vatrogasne jedinice, konkretnije definisati stručna zvanja koja moraju ispunjavati starješine. Član 159. tačka 1. se odnosi na pravna lica, ali se ne tiče i vatrogasne jedinice. **Prijedlog izmjene teksta spomenutog člana:** Iza teksta „...iz oblasti zaštite od požara, fakultet političkih nauka – odsjek odbrana i sigurnost, sigurnost, sigurnost i mirovne studije i tehničkih struka...“ ostali tekst ostaje isti.

- član 30. stav1. tačka 2.: Prilagoditi izmjenju u skladu sa prijedlogom iz člana 24. stav 1.

- član 30. - **Komentar člana 30.:** Navedene izmjene i dopune su jako dobre i pomoći će daljnjem razvoju profesionalnog vatrogastva, ali ovdje nije data određena prednost dobrovoljnim vatrogascima koji požare gase na volonterskoj osnovi. **Obrazloženje:** Razlog za ovakav prijedlog je više nego očigledan, jer uzme li se situacija da je u istom članu u stavu (2)., rečeno da „primljena lica“, dakle to može biti netko ko apsolutno nema ama baš nikakve veze sa zaštitom i spašavanjem, a naročito vatrogastvom i zaštitom od požara, može biti primljen na te poslove. Znači, uz dužno poštovanje i uvažavanje svih profesija, apsolutno neopravdano i nepravedeno, bila bi i dalje ostavljena lica koja imaju položene sve ispite za vatrogasce i koja se time bave tri i više godina, na volonterskoj osnovi, te koja su u tom periodu stekla sva neophodna praktična znanja i iskustva i koja su na taj način svršeni mladi vatrogasci, uz napomenu da su sve to radili na volonterskoj osnovi i trošeći svoje vrijeme onemogućeni da se eventualno specijaliziraju za neke druge oblasti, a u korist šire društvene zajednice. Prilikom čega su nesebično i odvažno u opasnost, čak dovodili i svoje živote u pitanje, kao i da su spašavali naše građane, te materijalna dobra. Najmanje što se može učiniti za taj njihov doprinos i postignute rezultate, ali i za apsolutnu profesionalizaciju u ovom segmentu, jeste da im se omogući, a u skladu sa Zakonom i im se da minimalna prednost pri zapošljavanju u profesionalnim vatrogasnim jedinicama, čime bi zasigurno i svi mi bili manje izloženi rizicima i opasnostima po naše živote koje

će ubuduće eventualno biti ugrožavani djelovanjem požara i drugih prirodnih nesreća. Ovakav pristup bi zasigurno stimulisao dodatno naše mlade generacije i pojačao interesovanje za članstva u dobrovoljnim vatrogasnim društvima, omogućio perspektivu i nadu onima koji zaista imaju afiniteta, te u konačnici vodio ka profesionalizaciji ove jako bitne djelatnosti. Kroz ovakav koncept i omogućavanje povećanog interesa mladih da se pravilno usmjerava je od neprocjenjive važnosti i značajno u korist edukativnih aktivnosti i razvijanja odnosa odgovornosti prema široj društvenoj zajednici, te izgradnji stabilnih i odgovornih ličnosti. **Prijedlog izmjene teksta člana 30:** Predlažemo da se dodaju dvije nove tačke ispred predloženih tačaka 3) i 4) koje bi postale tačke 5) i 6), **a tačka 3) bi glasila „da ima položen ispit za dobrovoljnog vatrogasca“, „tačka 4) da ima najmanje 3 godine iskustva u lokalnim dobrovoljnim vatrogasnim jedinicama, nakon polaganja ispita za dobrovoljnog vatrogasca“.**

- član 31.- **Komentar člana 31.:** Izmijeniti. **Obrazloženje:** Općinama se u nadležnost stavljaju obaveze za koju zakonodavac nije osigurao dodatna finansijska sredstva, odnosno način finansiranja. **Prijedlog izmjene teksta spomenutog člana:** Riječ „pripravnik“ zamijenuti sa „volonter-lice na stručnom osposobljavanju“.

- član 32.stav 1.: **Komentar člana 32.stav 1.:** Zamijeniti. **Obrazloženje:** Općinama se u nadležnost stavljaju obaveze za koju zakonodavac nije osigurao dodatna finansijska sredstva, odnosno način finansiranja. **Prijedlog izmjene teksta spomenutog člana:** Riječ „dužni“ zamjenuti sa „mogu“ i riječ „pripravnik“ zamjenuti sa „volonter – lice na stručnom osposobljavanju“.

- član 36.: **Komentar člana 36.:** Brisati. **Obrazloženje:** Stručno osposobljavanje za vatrogasce i rukovodioce akcije gašenja iz člana 129. i 130. Zakona objediniti kroz jedinstvene planove i programe obuke, tako da se u oba slučaja stiče zvanje vatrogasac i rukovodilac akcije gašenja, bez dodatka „dobrovoljni“ ili „profesionalni“. Kad dobrovoljni vatrogasac kao pripadnik neke Službe ili jedinice, po naređenju Štaba civilne zaštite bude angažovan, on ima isti status kao i profesionalni vatrogasac. Isti je slučaj kada se prema članu 111. Zakona u ljetnom periodu angažuje dobrovoljni vatrogasac. Dakle, ostavljena je mogućnost nižim nivoima vlasti (Grad/Općina) da u toku ljeta kada je povećana opasnost od izbijanja požara, bez javnog konkursa prime u radni odnos na određeno vrijeme do 5 mjeseci, vatrogasci ili druga lica koja imaju položen ispit vatrogasca ili dobrovoljnog vatrogasca. **Prijedlog izmjene teksta spomenutog člana:** Spojiti članove 129. i 130. Zakona o zaštiti od požara i vatrogastvu.

- član 41.stav 2.: **Komentar člana 41. stav 2.:** Izmijenuti. **Obrazloženje:** U navedenom članu umjesto navedenih zanimanja za starješinu vatrogasne jedinice, konkretnije definisati stručna zvanja koja moraju ispunjavati starješine. Član 159. tačka 1. se odnosi na pravna lica, ali se ne tiče i vatrogasne jedinice. **Prijedlog izmjene teksta spomenutog člana:** Iza teksta „...iz oblasti zaštite od požara, fakultet političkih nauka – odsjek odbrana i sigurnost, sigurnost, sigurnost i mirovne studije i tehničkih struka....“ ostali tekst ostaje isti.

Na ostale izmjene i dopune Nacrta (federalnog) Zakona o izmjenama i dopunama Zakona o zaštiti od požara i vatrogastva, nemamo primjedbe niti sugestije.

**S poštovanjem!**

Dostavljeno:  
1x Naslovu  
1x a/a.

**DIREKTOR**

**Džavid Aličić dipl.ing.maš.**



Broj: 08-03-\_\_\_\_\_/17

Dana: 14.12.2017. godine.

**ZENIČKO-DOBOJSKI KANTON**  
**VLADA KANTONA**  
**ZENICA**

**STRUČNA SLUŽBA VLADE ZDK**

**PREDMET : Mišljenje o Nacrtu (federalnog) Zakona o izmjenama i dopunama Zakona o zaštiti od požara i vatrogastvu, d a j e s e,-**

1. Član 112. – da se ne briše već da glasi: „Za vrijeme provedeno na pasivnom dežurstvu (pripravnost za rad) federalnim i kantonalnim inspektorima iz oblasti zaštite od požara i vatrogastvu pripada, naknada 15% za svaki sat pasivnog dežurstva“.
2. Član 114. – da se ne briše već da glasi: „Zbog posebnih uslova rada, težine i prirode posla i odgovornosti za obavljanje poslova za inspektore iz oblasti zaštite od požara ( glavni inspektor i inspektori zaštite od požara), određuje se dodatak na plaću od 30%. Radna mjesta iz stava 1. Ovog člana za koje pripada uvećanje plaće od 30% utvrđuje se u pravilniku o unutrašnjoj organizaciji tih organa u skladu sa ovim zakonom.

S poštovanjem !

Dostavljeno :

- 1 x Naslovu
- 1 x Uprava policije
- 1 x Inspektorat
- 1 x a/a

**MINISTAR**

**Nikola Arsenić**



Broj:12-23-01/02-02-15557-1/17  
Zenica, 30.01.2018.godine

**VLADA  
ZENIČKO-DOBOJSKOG KANTONA**

- **Stručna služba Vlade-  
n/r sekretara**

**Predmet:** Mišljenje o Nacrtu (federalnog) Zakona o izmjenama i dopunama Zakona o zaštiti od požara i vatrogastvu – dostavlja se

Aktom Skupštine Zeničko-dobojskog kantona broj: 01/02-02-15557-1/17 od 13.11.2017. godine od ovog ministarstva je zatraženo mišljenje o Nacrtu (federalnog) Zakona o izmjenama i dopunama Zakona o zaštiti od požara i vatrogastvu.

S tim u vezi obavještavamo Vas da Ministarstvo za prostorno uređenje, promet i komunikacije i zaštitu okoline Zeničko-dobojskog kantona nema primjedbi i sugestija na tekst Nacrta Zakona o izmjenama i dopunama Zakona o zaštiti od požara i vatrogastvu.

S poštovanjem,

Dostavljeno:  
1 x Naslovu  
1 x a/a

**MINISTAR**

**Fahrudin Brkić**